

मार्निंग डोगरी न्यूज़ बुलेटिन, समें. **09-20** Hrs

<><><><><><>

Headlines

- मुख्यमंत्री उमर अब्दुल्ला होरें जम्मू खित्ते च गर्मिएं आली रूतै गी दिखदे होई जरूरी सेवाएं ते सप्लाई दा जायजा लैता।
- मुख्यमंत्री उमर अब्दुल्ला होरें आखेआ ऐ जे सरकार जम्मू खित्ते गी सैलसफा दा केन्द्र बनाना चाहंदी ऐ, खास तौरा पर धार्मिक सैलसफा दा तां जे मकामी लोकें दे जीवन च सुधार होए।
- हुनर विकास ते उद्यमिता सरबन्धी मंत्रालय दे केन्द्रीय सचिव होरें जम्मू कश्मीर च पीएम विश्वकर्मा, प्रधानमंत्री कौशल विकास योजना (पीएमकेवीवाई) संकल्प ते होर दुए जतनें दी प्रगति दा जायजा लैता।
- मुख्य सचिव अटल डुल्लू होरें जम्मू कश्मीर च हुनर विकास सरबन्धी तंत्र गी होर बढ़ावा देने दे तौर तरीके बारे एमएसडीई केन्द्रीय सचिव हुंदे कन्नै गल्ल कीती।
- सांसद जुगल किशोर शर्मा होरें जम्मू च जिला विकास तालमेल ते निगरान कमेटी दी बैठक लाई।

<><><><><><>

CM – Review Meet

मुख्यमंत्री उमर अब्दुल्ला होरें कल सिविल सचिवालय जम्मू च इक उच्ची सतह दी बैठक दी अध्यक्षता कीती ते जम्मू खित्ते च जरूरी सेवाएं ते सप्लाई दे बंड सरिस्ते दे कन्नो कन्नी मजूदा गर्मिएं दी रूतै दरान प्रशासन आस्सेआ पुट्टी गेदी गैई दी समीक्षा कीती। बैठक दरान जम्मू दे डिवीजनल कमीशनर रमेश कुमार होरें मुख्यमंत्री होरें गी बक्ख-बक्ख मुत्तलका मैहकमें आस्सेआ गर्मिएं गी लेइयै कीती जा'रदी तैआरिएं बारे जानकारी दित्ती। किश नमें रिहायशी इलाकें च पानी दी कमी दे मसलें गी ध्यानै च रखदे होई मुख्यमंत्री होरें जम्मू नगर निगम दे कमीशनर ते जल शक्ति मैहकमे गी निर्देश दित्ते ले ओह पानी दे टैंकरें कन्नै ग्राएं दे लोकें गी फौरी तौरा पर राहत देन। मुख्यमंत्री होरें ओंदे मुहरम ते श्री अमरनाथ जी दी यात्रा लेई कीते गेदे व्यापक प्रबंधें दा बी जायजा लैता।

<><><><><><>

CM Tourism

मुख्यमंत्री उमर अब्दुल्ला होरें आखेआ जे सरकार चांहदी ऐ जे जम्मू खित्ते गी सैलसफा खास करियै धार्मिक सैलसफा दा इक प्रमुख केन्द्र बनाया जा तां जे एह्दे कन्नै मकामी लोकें दे जीवन च आर्थिक तौरा पर बदलाव आई सकै। मुख्यमंत्री होरें एह् गल्ल सांबा जिले च नमें बनाए गेदे सरकारी डिग्री कालेज पुरमंडल परिसर दा उद्घाटन करदे होई आखी। अपने संबोधन च मुख्यमंत्री होरें इसी इक गर्व मसूस करने आला पल करार दित्ता ते आखेआ जे एह् जम्मू खित्ते च उच्च शिक्षा लेई इक मते महत्वै आला मील दा पत्थर ऐ। इस मौके पर विद्यार्थिएं आस्सेआ पेश कीती गेदी मंगें दे परते च मुख्यमंत्री खास तौरा पर नमें शैक्षणिक कोर्सें गी शुरू करने बारे भरोसा बी दोआया ते आखेआ जे उंदी जायज मंगें पर पक्कमक गै बचार कीता जाग। मुख्यमंत्री होरें समाज दे निरंतर विकास च सेहत मे शिक्षा दी महत्वपूर्ण भूमिका पर लोह पाई।

<><><><><><>

Secy MSDE-Meeting

हुनर विकास ते उद्यमिता सरबंधी मंत्रालय दे केन्द्रीय सचिव अतुल कुमार तिवारी होरें सिविल सचिवालय श्रीनगर च इक उच्च यतह् दी बैठक लाई। इस दरान पी.एम विश्वकर्मा, प्रधानमंत्री कौशल विकास योजना संकल्प ते होर दुए जतनें दा जायजा लैता गेआ। बैठक गी संबोधत करदे होई सचिव होरें सिखलाई कार्यक्रमें गी मकामी अर्थबवस्था दी समर्थ ते उद्योगिक जरूरते स्थाबै बनाने ते करोआने लेई गलाया। उनें अफसरें गी हिदायत कीती जे ओह लौहकी अवधि आले सिखलाई कार्यक्रम आयोजित करोआन। सचिव होरें उच्च शिक्षा मैह्कमे दे नुमायंदे गी जोर देइयै आखेआ जे ओह मंत्रालय दी बक्ख-बक्ख स्कीमें थमां लाह ठोआन।

<><><><><><>

Yoga Day

11में अंतर्राष्ट्रीय योग दिवस दे मौके पर संस्कृति मंत्रालय देसा दे 100 सैलानिएं आली प्रतिष्ठित थाहरें ते 50 होर सांस्कृतिक थाहरें पर योग सत्रें दा आयोजन करियै योग दे 11में अंतर्राष्ट्रीय दिवस मनाग। कल होने आले एह् कार्यक्रम आयूष मंत्रालय आस्सेआ विशाखापत्तनम च आयोजित कीते जा'रदे मुख्य उत्सवें दे पूरक होंगन, जिंदे च प्रधानमंत्री नरेन्द्र मोदी बी हिस्सा लेंगन।

<><><><><><>

DC Kishtwar-Yoga

11में अंतर्राष्ट्रीय योग दिवस दे मौके पर कल किश्तवाड़ दे एतिहासक चौगान मैदान च इक भव्य कार्यक्रम दा सरिस्ता कीता जा'रदा ऐ। इस बारे तफसीली जानकारी दिंदे होई डिप्टी कमीशनर किश्तवाड़ पंकज शर्मा होरें आखेआ जे सब्बै सरकारी मैह्कमे योग दे महत्व गी उजागर करने लेई किट्ठे रलियै इस कार्यक्रम दा आयोजन करा करदे न। उनें इस गल्लै पर जोर देइयै आखेआ जे योग दे फायदे छड़े शरीरिक गै नेई सगुआं एह्दे कन्नै मानसिक ते अध्यात्मिक लाह् बी होंदा ऐ। उनें किश्तवाड़ जिले दे सब्बने बसनीकें गी इस भव्य आयोजन च शामिल होने लेई साददा दित्ता ऐ.....



Tourism Stakeholder

सैलसफा गी लेइयै इक समावेशी ते असरदार नीति तैआर करने लेई जम्मू कश्मीर सरकार दे जतनें दे इक हिस्से तौरा पर जम्मू च सैलसफा निदेशालय नै वीरवारें इस खेत्तर कन्नै जोड़दे हित्तधारकें कन्नै सलाह सत्र दा आयोजन कीता। बैठक च सैलसफा खेत्तर दे विकास लेई असरदार नीतियां बनाने पर जोर भरेआ गेआ। सत्र दी अगुवाई सैलसफा मैह्कमे दे निदेशक विकास गुप्ता होरें कीती। जेह्दे च सैलसफा कन्नै जुड़े दे प्रतिनिधिएं दी शमूलियत बी दिखने गी लब्बी।



CS-Secy MSDE

मुख्य सचिव अटल डुल्लू होरें हुनर विकास ते उद्यमिता सरबंधी मंत्रालय दे केन्द्रीय सचिव अतुल कुमार तिवारी हुंदे कन्नै मलाटी कीती ते जम्मू कश्मीर च हुनर विकास ते उद्यमियता सरबंधी जतनें गी बघाने बारे चर्चा कीती। इस दरान नमीं केन्द्रीय स्कीमें ते मतूदा प्रोग्रामें गी मजबूत करने बारे चर्चा होई तां जे जम्मू कश्मीर दे हुनर विकास तंत्र गी मजबूत कीता जाई सकै। केन्द्रीय सचिव होरें नमीं शुरू कीती गेदी केन्द्र प्रायोजित स्कीमें बारे व्यापक जानकारी दित्ती। जेह्दा मकसद मुख्य भरै दे आईटीआई गी आधुनिक बनाना ऐ।



DISHA Meeting

सांसद जुगल किशोर शर्मा ते राज्यसभा सांसद गुलाम अली खटाना हुंदी सह—अध्यक्षता च कल जम्मू दे पंचैत भवन च इक उच्ची सतह दी जिला विकास तालमेल ते निगरानी समिति यानि दिशा दी इक बैठक लाई गई। जेहदे च जिला विकास परिषद दे चेयरमैन भारत भूषण, जम्मू जिले दे सब्बे विधायक ते डिप्टी कमीशनर सचिन कुमार वैष्णव हुंदे सनें मुत्तलका मैहकमे दे आला अधिकारी बी मजूद हे। बैठक दरान डिप्टी कमीशनर होरे केन्द्र सरकार आस्सेआ चलाई जा'रदी बक्ख—बक्ख योजनाएं दी अमलावरी दी स्थिति बारे जानकारी सांझी कीती। एहदे अलावा उनें टकोहदी उपलब्धिएं सनें आवा'रदी अड़चने गी बी उजागर कीता।

<><><><><><>

Secy Agri Prod

राई—बाई दी पैदावार सरबंधी मैहकमे ते एचएडीपी दे मिशन डरैक्टर संदीप कुमार होरे इक बैठक दरान राई—बाई ते एहदे कन्ने जुड़े दे सेक्टर सरबंधी प्रोजेक्ट जेकेसीआईपी दी अमलावरी दा जायजा लैता। बैठक दरान जेकेसीआईपी दी प्रगति दा व्यापक जायजा लैता गेआ। इसी सलाना कार्य योजना ते बजट च बी टकोहदा ब'रे पर रखेआ गेआ ऐ। एहदे च फील्ड अमले सरबंधी घड़े ते होर दुए लोकें हिस्सा लैता। हर इक पैहलु ते घटक बारे अमलावरी दी स्थिति दा जायजा लेंदे होई मिशन डरैक्टर होरे पर्यावरण स्थाबै राई—बाई नमीं काहड़ें ते लगातार ते टिकाऊ कृषि सरिस्ते दी बेहतर ढंगै सिर ते समें सिर अमलावरी पर जोर पाया।

<><><><><><>

Samba Accident

कल रातीं तकरीबन साढ़े 8 बजे सांबा—मानसर शिड़क कश जमोड़ा थाहर पर इक शिड़क हादसा पेश आया जेहदे च 2 लोकें दी मौत होई गई ऐ ते इक जना जख्मी ऐ। एह हादसा उसलै पेश आया जिसलै इक मोटर सैकल पर सोआर त्रऊं जनें दी सिद्धी टक्कर ट्रक कन्ने होई। इस बारे होर जानकारी देआ'रदे न साढ़े जिला संवाददाता.....बाईट

<><><><><><>

Pre Yoga Day Annoucement

आकाशवाणी जम्मू दे क्षेत्रीय समाचार एकांश हुंदे थमां किश चिरे मगरा यानि साढ़े 9 बजे अंतरराष्ट्रीय योग दिवस दे सरबंधै च 20 जून गी 20 मिनटें दा इक खास कार्यक्रम पेश करा'रदा ऐ। कार्यक्रम च स्हाड़े परौहने होइन मन्ने—परमन्ने दे योग माहिर ते नेचरोपैथ डॉ. नीलम शर्मा। ओह योग दे स्हाड़े जीवन च महत्व बारै अपने विचार सांझा करंगन। इस कार्यक्रम गी स्हाड़े श्रोता मीडियम वेव 303 मीटर यानि 990 किलोहर्टज ते एफएम 100.3 मेगाहर्टस पर सुनी सकदे ओ।

<><><><><><>

Shooting Rangu-Kishtwar

किश्तवाड़ च जागतें दे सरकारी हायर सकेंडरी स्कूल च उत्थुआं दी विधायक शगुन परिहार होरें बतौर मुख् परौहने इंडोर शूटिंग रेंज दी अधिकारिक तौर पर शुरूआत कीती। अपनी किस्मा दी सुविधा गी मकैनिकल ते हॉस्पिटल सब डिवीजन ते युवा सेवा ते खेड्ड सरबंधी मैहकमे दे सैहयोग कन्नै कायम कीता गेआ। एहदा मकसद युवाएं गी विश्व स्तर दी सिखलाई लेई ढांचागत सहूलत उपलब्ध करोआना ते खित्ते च रिफल शूटिंग जनेई खेड्डें गी बढ़ावा देना ऐ।

<><><><><><>